

TBC Bank (O'zbekiston)

Mamlakat:	O'zbekiston
Loyiha raqami:	50345
Faoliyat sohasi:	Depozitar kredit (banklar)
Bildirishnoma turi:	XUSUSIY
Ekologik toifasi:	FI
Tasdiqlanish muddati sanasi:	2021-yil, 2-dekabr
Qaysi bosqichdaligi:	Imzolangan
Loyihaning qisqacha mazmuni	
chop etilgan sana (ingliz tilida):	2021-yil, 26 oktabr

Loyiha mazmuni

Xalqaro moliya korporatsiyasi (XMK) bilan birga O'zbekistonda ro'yxatdan o'tgan "TBC BANK" aksiyadorlik tijorat bankining (O'zbekiston) 20% gacha bo'lgan aksiyalarini sotib olish uchun dastlabki 9,4 million AQSH dollari (6,9 million yevro) hajmidagi majburiyatni ichiga olgan, jami 26,6 million AQSH dollari (19 million yevro) hajmida aksiyadorlik kapitaliga qilinadigan investitsiya. "TBC BANK" aksiyadorlik tijorat banki (O'zbekiston) Gruziyadagi eng yirik banklar guruhi sanaluvchi TBC Bank Georgia AJ'ning bosh kompaniyasi hisoblangan, Buyuk Britaniyada ro'yxatdan o'tgan TBC Bank Group PLC kompaniyasining shu'ba kompaniyasidir.

Loyiha maqsadi

Bu investitsiya mablag'lari O'zbekistonda yaqinda tashkil qilingan xorijiy xususiy bankning amaliyotlarini kengaytirishiga ko'maklashish uchun sarflanadi. O'zbekistondagi "TBC BANK" aksiyadorlik tijorat banki (ATB) mamlakatda faoliyati yetarlicha xizmat ko'rsatilmayotgan chakana savdo, mayda va kichik korxonalarga samarali mahsulot va xizmatlarni taklif qiluvchi moliya bozoridagi yangi avlod banki hisoblanadi.

O'tish davri ta'siri

ETI 90

Yaxshi boshqariluvchi: Mazkur investitsiya mablag'lari YTTBning bank tizimida davlatning rolini pasaytirish va xorijiy strategik investorlarni jalb qilishni qo'llab-quvvatlashga qaratilgan strategik siyosatining eng muhim elementini o'zida aks ettiradi. Xalqaro moliya muassasalari korporativ boshqaruv standartlarini o'rnatishga ko'maklashishi barobarida ekologik va ijtimoiy boshqaruv tizimlarini ishlab chiqishga ko'maklashadi.

Raqobatbardosh: Bu investitsiyalar xorijiy strategik investorning o'z faoliyatini kengaytirish rejalarini qo'llab-quvvatlashga yo'naltiriladi. "TBC BANK" aksiyadorlik tijorat banki O'zbekistondagi faoliyati yetarlicha xizmat ko'rsatilmayotgan chakana savdo, mayda va kichik korxonalarga innovatsion raqamli mahsulot va xizmatlarni taklif qiladi.

Mijoz haqida

"TBC BANK" aksiyadorlik tijorat banki (O'zbekiston)

YTTBdan ajratiluvchi moliyaviy mablag'lar

26 600 000,00 AQSH dollari

Loyihaning umumiy qiymati

134 300 000,00 AQSH dollari

Ekologik-ijtimoiy xulosa

FI toifasiga kiritildi (ESP 2019) "TBC BANK" aksiyadorlik tijorat banki yangi bank hisoblanib, u YTTB'ning 2, 4 va 9-Loyiha talablariga muvofiq faoliyat yuritishi kerak bo'ladi. TBC Bank Group PLC kompaniyasi YTTBning eski mijozlaridan sanaladi. Mazkur kompaniya YTTBning ekologik va ijtimoiy talablariga rioya qilinishi ta'minlanishi uchun tegishli siyodat va tartib qoidalarni joriy qilibgina qolmay, u XMK, OTB va FMO'larning shu yo'nalishdagi talablariga ham muvofiq ish yuritadi. "TBC BANK" ATB 2019-yil may oyida yangilangan kompleks ekologik va ijtimoiy boshqaruv tizimiga (ESMS) ega. Mazkur tizim YTTB tomonidan bir necha marta tekshirilgan bo'lib, u YTTB talablariga to'liq javob berishi tan olingan. YTTB va XMK O'zbekistondagi "TBC BANK" aksiyadorlik tijorat bankining investorlari bo'lganligi sababli, bu bank ham YTTB, ham XMKning ekologik va ijtimoiy talablariga rioya qilishi kerak bo'ladi. Eng muhim talablar ekologik va ijtimoiy masalalarni hal qilish uchun maqbul kadrlar bilan ta'minlash, ham YTTB, ham XMK standartlariga javob beruvchi ESMS tizimini ishlab chiqish, loyihalarni YBBRga yo'llash hamda ekologik va ijtimoiy holat bo'yicha yillik hisobot topshirish uchun tegishli tizimga ega bo'lish kabilarni o'z ichiga oladi.

Texnik ko'mak

Qo'shimchalilik sharti

Qo'shimchalilik manbalari quyidagilarni o'z ichiga oladi:

- (i) risklarning ozayishi, chunki YTTBning TBC Bank Group PLC kompaniyasiga bo'lgan ishonchli munosabatlari bu kompaniyaning yangi bozorlarni egallashi uchun yetarli darajada qulay sharoit yaratadi;
- (ii) mazkur juda muhim loyihaning muvaffaqiyatli amalga oshirilishi sababli bank-moliya sektorida bo'ladigan ijobiy o'zgarishlar;
- (iii) tegishli standartlarni o'rnatish, chunki "TBC BANK" ATB korporativ boshqaruvni takomillashtirish, jumladan iqlimga oid risklarni boshqarishda YTTB tajribalaridan foydalanadi.

Kompaniyaga murojaat qilish uchun ma'lumot

David Melikidze

david.m@tcbank.uz

+998 78 777 27 27

www.tcbank.uz

O'zbekiston Respublikasi, Toshkent shahar, Amir Temur shoh ko'chasi 118/1.

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika choratadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzdagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarni ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.